

KONTZERTU EKONOMIKOA. Hiru egun jarraian izan dira Madrilen negoziatzen EAEko ordezkariak, emaitzarik lortu gabe. Ados jartzeko borondaterik ez izatea leporatu diote elkarri bi aldeek; baina, halaber, negoziatzen segituko dutela diote.

Kontzertua luzatuz bi aldeek ituna haustea leporatu dio Ibarretxek Madrili

Negoiazioek porrot egin arren oraindik astia badagoela diote Jaurlaritzak eta Espainiako Gobernuak



MIREN SAEZ



DAVID AGUILAR / EFE

Ezkerreko argazkian, Cristóbal Montoro Espainiako Ogasun ministroa, Enrique Villarreal, Gasteizko gobernu ordezkari; eskuinekoan, Idoia Zurrubide eta Juan Jose Ibarretxe, Eusko

Felix Iriarte | **GASTEIZ**

Kontzertu Ekonomikoa berri-
tzeko negoziazioa haustea aurrez aurre jarri ditu Jaurlaritzak eta Madrilgo Gobernuak. Elkarri egotzi diote akordioa lortzeko gogorik ez izatea, baina Juan Jose Ibarretxe lehendakaria harago joan da. Esan du Madril-
lek ituna «hautsi» egin duela, eta Kontzertua luzatzea «inposizioa» dela. «Espainiako planteamenduak autogobernari eta euskaldun guztiei kalte egingen zien eta gutxiesten zituen», adierazi zuen atzo negoziazioaren berri emateko agerraldian.

Aznarren gobernuak Kontzertua luzatzea erabaki zuen Ministro Kontseiluan. Lege proposamen bat egin du eta orain Kongresuan eta Senatuan eztabaidatuko da. Beste akordiorik ez bada, indarrean izango da urte hasieran, eta egungo Kontzertua urte batez luzatuko da.

Prozedura hori auzitan jarri dute Jaurlaritzako alderdiek.

LUZAPENA

Lege proiektuaren bidez egin nahi du Madrilek. Bide horren legezkotasuna auzitan jarri du Jaurlaritzak

Kontzertuaren izaerak dio biren arteko ituna dela. Legeak artikulatu bakar bat du, eta ezin zaio zuzenketarik egin: bakarrik onar edo arbuia daiteke, ez baitago beste aukerarik. Hala ere, Kontzertua luzatzea ekarriko lukeen legea zuzendu daitekeela esan du Cristóbal Montoro Ogasun ministroak. Tramitazio prozesuan «idatzi alternatiboak» sar daitezkeela adierazi du, eta orain arte hitzartutakoa sartzearen alde azaldu da. Beraz, oraindik —abenduaren 20a arte, legeari zuzenketak egiteko epea amaitu bitartean— negoziatzeko astia dagoela esan

NEGOZIAZIOA

Negoiatzeko eperik badagoela diote biek. Kontua borondate politikoa litzateke bi aldeentzat

zuen Montorok arratsaldean Gasteizen egindako agerraldian.

Ibarretxek, haatik, Kontzertua luzatzea dakarren aldeari erreparatu dio. «Itun bat hausten denean ez gara gerturatzen; aitzitik urruntzen ari gara, imposizioa ez baita biderik egokiena elkarlanerako», esan zuen. Montorok, ordea, ez du hala ikusten: «Ezer ez da aldatu, ez dago tentsio handiagoa. Lehengo bidetik goaz».

Negoiatzeko borondatea

Kontzertua berrietzeko epeak amaitutzat eman ditu Madrilgo

EUROPA

Jaurlaritzak ahotsa izan nahi du Europan, bere interesak defenditzeko. Madrilek hori ez du onartuko

Gobernuak eta horregatik luzatu du —«beharrezkoa da, hutsune legalik egon ez dadin», justifikatu du Montorok—, baina negoziatzen segitzeko borondatea baduela jakinarazi du. Gauza bera egin du Jaurlaritzak. Lehendakariaren arabera, urtea amaitu arte badago astirik, eta aukera horri helduko diola jakinarazi du. Montororen kezka orain ez da egutegia.

Akordioa lortzea, ordea, beste kontu bat da. Montorok salatu du Jaurlaritzak ez duela borondaterik azaldu, eta jarrera aldatzeko eskatu dio. Izan ere, Jaurlaritzaren eta Foru Aldun-

dien artean bereizketa bat egin du. Lehenak ez luke borondaterik izango; besteek bai.

Hiru ahaldun nagusiak Madrilera joan ziren herenegun gauean akordioa posible balitz Kupoaren batzordean hurrengo goizean akordioa izenpetzeko. Idoia Zurrubide Ogasun sailburua ez zuen bidaia egin, akordioa lortzeko asko falta zela jakitun. Batzuen zein besteen mugimenduei erreparatu die Montorok borondate politikoa zehazteko.

Ibarretxek negoziazio mahai jarritakoari erreparatu dio borondate epaitzeko. Juan Miguel Bilbao Ogasun sailburordeak zuzentzen duen EAEko ordezkariak hamaika proposamen ezberdin egin zituen Europan parte-hartzea izatea ekarri behar zuen ebazpen bat onartzeko. Gainera, Kupoari buruz eta ezbaian zeuden beste gai guztietan beste hiru jarri zituen mahai gainean. Madrilek ez zuen bakar bat ere onartu.